

GER. JO. VOSSII

ELEMENTA RHETORICA,

ORATORIIS ejusdem PARTITIONIBUS

ACCOMMODATA,

Inque usum SCHOLARUM

Hollandiae & West-frisiae

EMENDATIUS EDITA.

6.

Editio prioribus accuratior & auctior.

LONDINI,

Impensis G. INNYS, & R. MANBY, in Area
occidentali D. Pauli.

MDCCLXXXIX.



THE NEW YORK

LIBRARY

OF THE

ALBANY

AND

WATERBURY

LIBRARIES

OF THE

STATE OF NEW YORK

AND

WATERBURY

LIBRARIES


BENEVOLO LECTORI.

Solent illi, qui aliis ad terrarum situm praeceunt viam, initio tabella quapiam ob oculos ponere principes orbis partes, & celebriores aliquot nationes. Qualis opera, utcunque levis & frivola videatur, voluptatem nihilominus suam habet, nec fructus eam penitus expertem. Nam sive hic sistere libeat; quis non videt satius omnino esse, ut rei tam excellentis gustus aliquis habeatur, quam ut ea penitus nesciatur? sive animus magis ad exactam universi notitiam adspiret; quid apertius est, quam non posse eo quemquam pervenire, qui non primordia illa antea perceperit? Quod hac de scientia exposui, idem in aliis etiam disciplinis locum habet. Ea res fecit, ut illorum quos dixi exemplo, & quod caput est, a superioribus jussus, lineamenta quaedam duxerim artis oratoriae: non quidem quasi existimarem, praecepta eloquentiae pagellis posse paucis comprehendi; sed ut nobilissimae facultatis natura, ac constitutio, membrorumque omnium compages, uno quasi intuitu cerneretur; atque ut tirunculi hic haberent elementa aliqua, per quae, velut gradibus quibusdam, ad altiora & magis recondita facilius perducerentur. Utrumque horum cum propositum mihi nunc foret, troporum

BENEVOLO LECTORI.

quidem & potissimorum schematum doctrinam quomodocunque ad pueritiae captum expressi; reliquae vero artis tantum summa carpere fastigia visum fuit. Nec moveat, si in tanta brevitae jejuna hic omnia, planeque arida videantur. Nam sufficere debet, quod ea, quae nunc strictim ac vellicatim attingo, fusius explicarim in Partitionibus Orationis; quae, ex decreto illustrium Hollandiae & West-frisiae Ordinum, superiorum classium usui inservient. Eo igitur recurram, qui plenius aliquid, aut planius requireret. Equidem, ut ista etiam parte allevarem laborem alienum, ad oram libelli hujus apposui, quibus Partitionum locis singula hic responderent. Conferre etiam cum istis licebit, quae ante annos multos sex Institutionum libris non incuriose, ut arbitror, de hac ipsa arte prodebam; in elocutione imprimis, ubi, quae de tropis & schematibus hic dicimus, tanta exemplorum copia illustrantur, ut, si quis istis contentus non fuerit, plane verendum sit, ne quicquam ei satis esse possit. Lugd. Bat. clō. Idc. xxvi. Kal. Sept.

Elementa



Elementa Rhetorica,

IMPRIMIS DOCTRINAE

DE

TROPIS & FIGURIS.



RHETORICE, quæ La-Part.
tinis *oratoria* dicitur, no-Orat.
men habet a *ῥέω*, id est, Lib. 1.
dico. Quia ut grammati-
ce monstrat viam bene si-
ve pure loquendi; ita rhetorice docet
bene dicere, sive prudenter, copiose,
ornateque loqui. cap. 1.
§ 1.

Definitur rhetorice, facultas videndi § 3.
in unaquaque re, quod in ea est ad
persuadendum idoneum.

Ita-

§ 4, 5, 6. Itaque finis oratoris ultimus est persuadere; officium est videre, quid ad persuadendum conducatur, five dicere ad persuadendum accommodare; materia est unaquaeque res, sed imprimis quaestio civilis.

§ 6. **QUAESTIO** ea vel thesis est, vel hypothesis.

THESIS est quaestio infinita, five universalis: ut, *An liceat infidiatorem interficere.*

HYPOTHESIS est quaestio finita, five singularis: ut, *An jure Milo interfecerit Clodium.*

§ 8. Officii oratoris partes sunt quatuor; argumenta invenire, inventa disponere, disposita exornare, & exornata pronunciare.

Ac pro his totidem sunt **PARTES** rhetorices; inventio, dispositio, elocutio, & pronunciatio.

De INVENTIONE.

Cap. 2.

§ 1.

INVENTIO est excogitatio argumentorum, quae ad persuadendum idonea sunt.

AR-

ARGUMENTA sunt triplicia; ra-§ 5.
tiones, mores, & affectus.

Ex his rationes ad docendum, mo-
res ad conciliandum, affectus ad per-
movendum valent.

Argumenta primi generis [h. e. RA-
TIONES] vel artificialia sunt, vel inar-
tificialia.

Artificialia dicuntur, quæ ab oratore
artis beneficio inveniuntur.

Ea variant pro generibus ὑποθέσεων,
quas Latini *causas* vocant.

CAUSARUM genera sunt tria; Cap. 3.
demonstrativum, deliberativum, & ju-§ 1.
ridiciale.

DEMONSTRATIVUM est, quo lau-§ 2.
damus, aut vituperamus.

Ac praecipue respicit tempus prae-
sens.

Laus, ac vituperatio omnis, vel Cap. 4.
personae est, vel facti, vel rei. § 3.

Personae: ut, *Si laudes Ciceronem,*
vituperes Antonium.

Facti: ut, *Si laudes voluntarium*
M. Reguli ad hostes suos reditum; aut,
Si vituperes in Catone Uticensi, quod
manus sibi intulerit, ne in potestatem
Caesaris veniret. Rei:

Rei: ut, *Si laudes eloquentiam, vel agriculturam; aut, Vituperes vitium animi ingrati.*

Argumenta in hoc genere praecipue petuntur ab honesto, ac turpi.

Cap. 3.
§ 2. &
imprimis
cap. 5.

Genus DELIBERATIVUM est, quo suademus, vel dissuademus: ut, *Si suadeas pacem, vel inducias; dissuadeas bellum: vel contra.*

Est deliberatio omnis de futuris.

Ac praecipue in ea consideratur, ecquid utile sit, an inutile.

Cap. 3.
§ 2.

Genus JURIDICIALE est, quo accusamus, vel defendimus: quomodo, *Milo, interempto Clodio, ab amicis Clodii est accusatus; a Cicerone vero defens.*

Versatur hoc genus circa praeterita.

Cap. 6.
§ 1.
§ 2.

Variant autem argumenta pro statuum diversitate.

STATUS est quaestio ex prima causarum conflictione proveniens.

Ac in genere juridicali nascitur ex prima accusatoris intentione, & defensoris depulsione. Ita, *Accusabatur Milo, quod Clodium occidisset; Milo*

Milo interemptum fatebatur, sed jure occisum aiebat. Status igitur fuit, furene, an injuria, Clodium interemerit Milo.

Status est quadruplex; conjectura- Cap. 6.
lis, finitivus, qualitatis, & quantita- § 6.
tis.

CONJECTURALIS est, quo quaeri- § 7.
tur, ecquid factum sit, necne: ut,
An Sextus Roscius occiderit patrem suum.

FINITIVUS est, quo de nomine rei § 8.
quaeritur: ut, *Abstuli quidem, sed furtum non commisi.*

Ubi furtum erit definiendum. Atque ita in aliis.

QUALITATIS est, quo quaeritur, § 9.
quale sit factum: ut, *Occidit quidem Clodium Milo, sed jure id fecit.*

Ubi legibus probandum erit, quid jure, quidve injuria fiat.

QUANTITATIS status est, quo de § 10.
magnitudine rei disceptatio est: ut,
Si constet esse crimen, sed negetur grave esse crimen.

Ubi amplificatio, & imminutio facti imprimis attenditur. Videndum i-

B

gitur,

gitur, quid magnum, aut exiguum oporteat censere.

Cap. 2. In singulis autem causarum ac statu-
§ 10, 11. tum generibus locum habet τὸ δυνατόν, sive quid fieri possit, aut non possit; item comparatio, sive quid sit honestius, utilius, aut justius.

Cap. 12. Artificialibus argumentis accedunt inartificialia, quae foris delata ab oratore solum arte tractantur: ut imprimis sunt *testimonia*.

Lib. 2. Sequuntur AFFECTUS, quos

Cap. 1. Deus animis nostris indidit, ut sint tanquam stimuli ad honestas actiones.

Sunt hi ex Stoicorum sententia quatuor; ratione boni praesentis laetitia, ratione boni futuri spes, ratione mali praesentis dolor, ratione mali futuri metus.

Ad hos autem referuntur, ira, lenitas, pudor, impudentia, amor, odium, indignatio, invidia, misericordia, & aemulatio.

Cap. 2. ad 14. In quorum singulis attendere imprimis oportet, & quomodo affectus is moveatur, & quomodo sedetur.

Supersunt

Superfunt MORES, qui hic spectantur, quatenus ex oratione dicentis elucent. Cap. 15.

Quo morata sit oratio, ante omnia id agendum est oratori, ut in ea reluceant prudentia, probitas, & benevolentia. Nam facile iis credimus, qui & rem intelligunt, & bene nobis cupiunt.

Praeterea illi videndum est, & apud quos dicat, & de quibus dicat. Variant enim mores hominum tum pro natura gentis, ac reipublicae; tum etiam in singulis pro ratione affectuum, habituum, aetatis, ac fortunae.

Haectenus de inventione,

De DISPOSITIONE.

SEquitur DISPOSITIO, quae est Lib. 3. partium orationis idonea ad persuadendum collocatio. Cap. 1.

PARTES orationis sunt exordium, narratio, propositio, confirmatio, confutatio, peroratio.

* Unde
vulgaris
versicu-
lus: *Ex-
orsus nar-
ro, seco,
firmo, re-
futo, pe-
roro.*

† Cap. 2,
3, 4.

* Quarum prima & ultima impri-
mis ad animos movendos, caeterae
magis ad docendum valent.

† EXORDII praecipuum munus est
praeparare auditorem ad reliquam di-
ctionem.

Quod fit reddendo eum benevolum,
attentum, & docilem.

Quando aperte hoc agimus, prin-
cipium dicitur; fin idem occulte fiat,
vocatur insinuatio.

Laudantur exordia ex causa ipsa
velut nata, item modesta, ac verecun-
da.

Cavenda autem sunt ea, quae nimis
longe petita, item communia nobis &
adversario, vel facile commutabilia,
vel nimis magnifica.

Cap. 5.

NARRATIO rem gestam, ut gesta
est, a principio usque ad finem expo-
nit.

Ea interdum tota continuatur; in-
terdum partes ejus singulatim expli-
cantur, & amplificantur.

Narratio esto perspicua, ut intel-
ligatur; verisimilis, ut credatur; sua-
vis, ut libenter audiatur; esto &
brevis,

brevis, quia taedio erit, si ulterius producat, quam opus est.

PROPOSITIO summam totius orationis proponit. Quae, si orationem in partes dividat, *partitio* appellatur. Cap. 6.

Partitio cum perspicua, tum etiam brevis esse debet; hoc est, non major quam trium, vel ad summum quatuor partium.

Contentio, quam Aristoteles *πρὸς τὴν ἀντιθέσιν* appellat, continet confirmationem, & confutationem.

CONFIRMATIO argumentando causam nostram adstruit. Cap. 7.

CONFUTATIO diluit argumenta adversarii. Cap. 8.

Epilogus, sive PERORATIO, est totius orationis clausula. Cap. 9.

Duplex autem ejus munus est; prius est enumeratio potissimorum argumentorum, alterum commotio affectuum.

Nunc ad elocutionem veniamus.

De ELOCUTIONE.

Lib. 4.
Cap. 1.

ELOCUTIO alia philosophi est, alia oratoria, alia historica, alia poetica.

Elocutio oratoria est rerum inventarum, & dispositarum, per verba, sententiasque expositio ad persuadendum idonea.

Elocutionis praecepta vel generalia sunt; vel ad hanc, illamve materiam, ac characterem restricta.

§ 6.

Elocutio COMMUNIS dividitur in elegantiam, dignitatem, & compositionem.

ELEGANTIA efficit ut unumquodque tum pure, tum perspicue dicatur.

Ad purum sermonem opus est delectu verborum.

Vitanda igitur verba barbara. Nec indulgendum antiquatis, aut inusitatis. Sordida etiam & obscœna honestis verbis circumloqui oportet.

Cap. 2.

Perspicuitati inter alia repugnat sermo ambiguus, nimia brevitās, & ordo verborum perturbatus.

DIG-

DIGNITAS suppeditat orationi pi- Cap. 3.
cturas, five verborum sententiarumque
lumina; quae rhetores vocant tropos,
& figuras.

De T R O P I S.

TROPUS est vocis a propria signi- § 4.
ficatione in aliam cum virtute
immutatio.

Fit autem inversio significationis
quadrifariam, ac pro eo quatuor eti-
am sunt tropi primarii; metaphora,
metonymia, synecdoche, & ironia.

METAPHORA, five translatio, est Cap. 4.
tropus, quo verbum a propria signifi-
catione in alienam transfertur ob simi-
litudinem.

Itaque tria hic spectantur; signifi-
catio propria, aliena, & similitudo.
Ita *scrupulus* proprie dicitur *lapillus*
in calceos viatorum incidens; improp-
rie ita vocatur *solicitudo*, ac *dubitatio*;
similitudo in eo consistit, quod ut la-
pillus ille pedibus, ita sollicitudo animo
molestiam parit.

Nullus

Nullus autem tropus plus luminis adfert orationi, imprimis si ad sensus ipsos admoveatur, maxime oculorum, qui sensus est acerrimus: ut, *Splendor verborum, studia florent, videre pro intelligere, &c.* similia.

Cap. 5.

METONYMIA est tropus, quo causa externa ponitur pro effectu, vel subiectum pro adjuncto, vel antecedens pro consequente; aut contra.

Itaque sex in universum sunt metonymiae species, seu modi.

Primus ponit pro effectu causam externam, eamque vel efficientem: ut *Mars pro praelio, Livius pro scriptis Livii, lingua pro sermone, manus pro scriptura: vel finalem: ut, Statuere exemplum, h. e. infligere poenam, quae caeteris sit documento; sic Virg. Aen. 1. 53. Aut supplex aris imponat bonorem, h. e. victimam.*

Alter modus est effecti pro causa externa, eaque vel efficiente: ut, *Pallida mors, quia pallentes facit; ira caeca, quia homines efficit caecos:*

cos: vel finali: ut, *Serta mihi Phyllis legeret*, pro *floribus*, Virgil. *Ecl.*

x. 41.*

* Ubi &

Tertius est subjecti pro adjuncto. synecdoche est totius essentialis pro parte materiali.
 Quo refer, cum ponitur continens pro contento: ut, *Roma* pro *Romanis*, *patera* pro *vino*. Item cum possessor sumitur pro re possessa: ut, *Ter. Heaut. iii. 1. 53. Quid te futurum censes, quem assidue exedent?* id est, *cujus opes consument?* Virg. *Aen. xii. 311. Jam proximus ardet Ucalegon*, id est, *domus Ucalegontis*. Item dux pro militibus: ut, *Caesar* pro *exercitu*. Aut patronus pro cliente: ut, *Nego me restitutum*, h. e. *clientem meum*. Item signatum pro signo: ut, *Jupiter* pro *Jovis statua*, *Orpheus* pro *Orpheo picto* aut *caelato*.

Quartus modus est adjuncti pro subjecto. Velut cum contento utimur pro continente: ut, *Vina coronant* pro *pateris*. Aut signo pro signato: ut, *Fasces & secures* pro *imperio consulari*, *toga* pro *pace*. Huc

C

refer,

refer, cum tempus ponitur pro re, quae est in tempore: ut, *Hujus seculi insolentia*, Cic. Philipp. ix. *O tempora! o mores!* Id. in Catil. i. Vulgo & eodem referunt, cum virtutes & vitia usurpantur pro personis ipsis*: ut, *Ars pro artifice, luxuries pro luxurioso*.

* Sed haec potius est synecdoche partis essentialis, nempe formae pro formato.

Quintus modus est, cum antecedens pro consequente ponitur: ut *Vixerunt pro mortui sunt, discumbere pro cænare*.

Sextus modus est consequentis pro antecedente: ut, *Funus pro morte*.

Duo postremi modi a quibusdam metalepsis vocantur.

Cap. 6.

SYNECDOCHE est, cum totum sumitur pro parte, aut pars pro toto.

Ea fit sex modis.

Primus est modus, cum genus, quod est totum universale, ponitur pro specie: ut, *Praedamque ex unguibus ales projecit fluvio*, Virg. Aen. xii. 255. pro aquila; sic, *tollit se arreptum quadrupes pro equo*, Idem Aen. x. 892.

Alter

Alter modus, cum species contra usurpatur pro genere: ut, *Auster* vel *aquilo* pro *vento* quolibet, *Falernum* pro *quovis* vino *praestanti*, *telum* pro *quibuscvis* armis, *mel Hymettium* pro *quovis* melle, *spica Cilissa* pro *quovis* croco.

Tertius, cum toto essentiali, quod constat materia & forma, utimur pro sola materia aut forma. Sic apud evangelistam: *Sustulerunt Dominum meum, nec scio ubi posuerint eum*, id est, *Domini mei Jesu corpus*, Joann. xx. 13.

Quartus, cum contra pars formalis, aut materialis ponitur pro toto essentiali. Ita formae synecdoche est: *Candida anima* pro *homine* *candido*: materiae autem: *Aurum*, *argentum*, *aes* pro *pecunia*; *ferrum* pro *gladio*; *avena* aut *arundo* pro *fistula* ex *avena* vel *arundine* *confecta*; sic, *gemma* *bibere*, *dormire* *ostro*. Vulgo metonymiam materiae appellant.

Quintus modus, cum totum integrale sumitur pro parte. Virg.

Aen. i. 477. *Pabula gustassent Trojae, Xanthumque bibissent*; sic, *orbis pro imperio Romano*.

Sextus modus, cum contra pars integralis usurpatur pro toto: ut, *Lepidum* vel *ridiculum caput* pro *homine lepidi* aut *ridiculo*; sic, *puppis* pro *navi*, *mucro* pro *gladio*, *tectum* pro *domo*.

Ad quintum sextumque modum refer, cum numerus singularis ponitur pro plurali, aut pluralis pro singulari, aut denique certus pro incerto: ut, *Romanus praelio victor*, Liv. *Pulcra verecundo suffundens ora rubore*, hoc est, *os* sive *vultum*, Ovid. Met. i. 484. *Sexcenta licet ejusmodi proferre*, Cic. ii. De div.

Cap. 7.

IRONIA est tropus, quo intelligitur contrarium ejus, quod dicitur; unde *illusio* aliquibus vocatur: ut, *Id populus curat scilicet*, Ter. And. i. 2. 14. *Ehodum, bone vir*, Ib. iii. 5. 10. sic, *Penelope de impudica*, Cato de *stolido*.

Atque hi tropi sunt primarii.

Tro-

Troporum autem species sunt me- Cap. 3.
talepsis, antonomasia, litotes.

METALEPSIS, Latine *transumptio*, § 2.
vocatur, cum antecedens
ponitur pro consequente, aut con-
tra; estque species metonymiae, ut
superius dictum est. At aliud est
metalepsis, cum affectio tropi est, ut
postea dicetur.

ANTONOMASIA est synecdoches § 3.
species, qua proprium sumitur pro
communi, vel contra.

Prioris modi est: *Irus* pro *pau-
pere*, *Thersites* pro *deformi*, *Cato* pro
sapiente, *Maecenas* pro *doctorum patro-
no*.

Alterius modi est: *Parens* pro
patre, *philosophus* pro *Aristotele*, *urbs*
pro *Roma*, *poeta* pro *Homero* vel *Vir-
gilio*, *apostolus* pro *Paulo*. Huc refer
periphrasin non reciprocam: ut, *Tro-
jani belli scriptor* pro *Homero*.

LITOTES, quam *extenuationem* § 6.
Latine dixeris, fit, cum minus di-
citur, & plus intelligitur; unde sy-
nec-

necdoche subijci posse liquet. *Munera nec sperno*, id est, *lubens accipio*, Virg. Aen. vii. 26. *Non laudo*, id est, *reprehendo*, Ter. And. ii. 6. 24.

Cap. 9. Affectiones troporum praecipuae sunt quatuor; metalepsis, allegoria, catachresis, hyperbole.

§ 1. METALEPSIS est tropus multiplex in voce una, five cum gradatim ex una significatione proceditur in alienam: ut, *Post aliquot mea regna vident mirabor aristas*, Virg. Ecl. i. 70. *aristas* pro *spica*, *spica* pro *messe*, *messis* pro *anno*, eoque & *aristae* pro *anno*.

§ 4. ALLEGORIA est tropi in vocibus pluribus continuatio: ut, *Claudite jam rivos, pueri, sat prata biberunt*, id est, *desinite canere, quia satis audivimus*, Id. Ecl. iii. 111. *Parturiunt montes, nascetur ridiculus mus*, Hor. Art. poet. 139. Ubi de magna expectatione, sed in ludibrium abeunte, loquitur.

CATACHRESIS, five *abusio*, § 13.
est tropi durities quaedam. Ut cum
vox aliqua licentius a propria signi-
ficatione ad aliam deflectitur: velut,
Gurges & vadum pro mari, breve
lilium pro non diuturno, Hor. Carm. i.
36. 16.

Instar montis equum divina Palladis
arte

Aedificant, Virg. Aen. ii. 15.

HYPERBOLE, quasi dicas *superje*-§ 16.
ctio, est oratio augendo, vel minuendo
superans fidem.

Augendo: ut, *Nive candidior, mel-*
le dulcior, ocior euro. Cic. Philipp. ii.
Vomens frustis esculentis vinum redolen-
tibus gremium suum, & totum tribunal
implevit.

Minuendo: ut, *Testudine tardior,*
minus nibilo.

Ad tropos quoque vulgo, sed falso Cap. 10.
referuntur sex species irrisionis; sarcas-
mus, diasyrmus, charientismus, asteis-
mus, mycterismus, & mimefis.

SARCASMUS est hostilis ir-
risio super jam mortuo, aut certo
mo-

morituro: ut, *Ave, rex Judaeorum*, Matth. xxvii. 23. *I, verbis virtutem illude superbis*, Virg. Aen. ix. 634.

DIASYRMUS est inimica irrisio, sed extra caedem: ut, *Afinus ad lyram*; et, *inter strepit anser olores*, Virg. Ecl. ix. 36.

CHARIENTISMUS a lepore & gratia nomen accepit, estque jocus cum amoenitate mordax. Sic Davus pistrinum deprecans: *Bona verba quaeſo*, And. i. 2. 33. *Di meliora*. Cic. & Virg.

ASTEISMUS est jocus urbanus: ut, *Qui Bavium non odit, amet tua carmina, Maevi*, Virg. Ecl. iii. 90. Nam Bavius malus poeta, & illo deterior Maevius erat.

MYCTERISMUS fit, cum naso suspensio quempiam subsannamus: *μυκλῆς* enim est *nasus*.

MIMESIS, Latine *imitatio*, refert aliena verba oratione directa, idque fere ad risum. Ita Ter. Eun. i. 2. 75.

Haud

*Haud ego nesciebam, quorsum tu
ires: Parvula*

*Hinc est abrepta; eduxit mater pro
sua;*

*Soror est dicta; cupio abducere, ut
reddam suis.*

Huc etiam referri solent, quae ad § 9.
grammaticen potius quam rhetoricen
videntur pertinere: idque vel ad
etymologiam, ut onomatopoeia &
antiphrasis; vel ad syntaxin, ut hy-
pallage.

ONOMATOPOEIA nihil aliud est,
quam nominis fictio a sono: ut, *Ba-
lare, grunnire, boare, hinnire.*

ANTIPHRAISIS est vox a contrario
dicta. Ita vulgo aiunt * *bellum voca-* * Quid
ri, quod minime sit bellum; Parcas, de tota
quod minime parcant; lucum, quod hac re
minime luceat. statuere
oporteat,

HYPALLAGE est, cum rerum abunde
ordo invertitur: ut apud Cic. pro exponi-
Marcell. *Gladium vagina vacu-* mus in
um in urbe non vidimus, pro, vagi- Oratoris
nam gladio vacuum; sic, Brutium lib. 4.
ponto feriente eorum, id est, coro cap. 13.

D

Bru- § 11.

Brutium pontum feriente, Senec. in *Thyeste*, 578.

De FIGURIS.

ALTERA dignitatis oratoriæ pars in figuris versatur, quæ Græcis *schemata* dicuntur.

Cap. II.

§ 1.

FIGURA autem est forma orationis, qua hæc alio quopiam modo, quam inversione significationis, a vulgari consuetudine immutatur in meliorem.

§ 2.

Figuræ sunt duplices; verborum, & sententiarum.

§ 3.

Inter eas hoc interest, quod priores tolluntur, si aut verba mutantur, aut ordo eorum invertatur; at posteriores, quibuscunque utaris verbis, aut quocunque ea ordine ponantur, permanent.

§ 4.

VERBORUM figuræ sunt triplices; quaedam consistunt in subticentia sive defectu, quaedam in excessu, quaedam in reliquo corpore orationis.

§ 5.

Subticentia figurant asyndeton & ellipsis.

ASYNDETON copulae est defectus: ut, Virg. Aen. iv. 594. *Ferte citi flammās, date tela, impellite remos.*

ELLIPSIS vero est alius partis, aut particulae defectus: ut, Aen. i. 373. *Sed vos qui tandem?* ubi omittitur *estis.*

Excessu figurant orationem poly-§ 9. syndeton & pleonasmus.

POLYSYNDETON est abundantia copulae. Cic. in Epist. *Me prae caeteris, & colit, & observat, & diligit.*

PLEONASMUS est alius partis, aut particulae abundantia: ut Virg. Aen. iv. 359. *Vocemque his auribus hausi.*

Figurae, quae in reliquo fiunt corpore orationis, vel eandem ponunt vocem, vel similes.

Figurae, quibus eadem vox repetitur. Cap. 12.

ANTANACLASIS dicitur, cum usurpatur vox eadem appellatione, non significatione: ut, *Cur eam rem tam studiose curas, quae*

multas tibi dabit curas? Cornific. Lib. iv. *Amari jucundum est, si curetur, ne quid insit amari,* Ib.

Huc pertinet PLOCE, cum vox uno loco personam, aut rem; altero mores, aliamve qualitatem significat; ut, *Ad illum diem Memmius erat Memmius,* id est, *sui similis,* *Aquila Roman,* *Simia est simia, etiamsi aurea gestet insignia,* Lucian. Orat. contra ineredi-

SYNONYMIA, cum verba idem significantia conjunguntur. *Abiit, excessit, evasit, erupit,* Cic. Cat. ii, *Promitto, recipioque, spondeoque,* Philipp. iv.

EXERGASIA est congregatio sententiarum idem significantium; ut Cic. pro Ligar. *Quid enim tuus ille, Tubero, in acie Pharsalica gladius agebat? cujus latus ille mucro petebat? quis sensus erat armorum tuorum? quae tua mens, oculi, ardor animi? quid cupiebas? quid optabas?*

ANAPHORA est repetitio ejusdem vocis in principio: ut Virg. Georg. iv. 446.

*Te, dulcis conjux, te solo in littore
secum,
Te veniente die, te decedente cane-
bat.*

EPIPHORA, sive EPISTROPHE, est repetitio ejusdem vocis in clausulis: ut, *Poenos populus Rom. justitia vicit, armis vicit, liberalitate vicit*, Cornif. Lib. iv.

Quod si anaphora & epiphora concurrant, SYMPLOCE vocatur. *Quis legem tulit? Rullus. Quis majorem partem populi suffragiis privavit? Rullus. Quis comitiis praesuit? Idem Rullus.* Cic. de Leg. agr. ii.

EPANALEPSIS est repetitio ejusdem vocis in initio praecedentis, & fine sequentis sententiae: ut Ovid. Fast. iv. 365.

*Qui bibit inde, furit: procul hinc
discedite, queis est
Cura bonae mentis: qui bibit inde,
furit.*

ANA-

ELEMENTA

ANADIPLOSIS est repetitio in fine praecedentis, & initio sequentis sententiae: ut,

Ecce Dionei processit Caesaris a-
strum;

Astrum, quo segetes gauderent,
Virg. Ecl. ix. 47.

EPANODOS est, cum, quae priori erant posita loco, posteriori; &, quae posteriori, ea priori loco repetimus. Ovid. Heroidum epist. ii. 25.

Demophoon ventis & verba, & vela
dedisti;

Vela queror reditu, verba carere
fide.

EPIZEUXIS est, cum vox aliqua repetitur cum vehementia: ut Virg. Ecl. v. 64. *Ipsa sonant arbusta, Deus, Deus ille, Menalca.* Cic. Ver. vii. *Crux, crux, inquam, infelici & misero.*

CLIMAX, seu gradatio, eodem verbo connectit superiora inferioribus: ut, *Africano industria virtutem, virtus gloriam, gloria aemulos comparavit,* Cornific. Lib. iv.

POLYPTOTON, cum idem verbum variato repetitur casu, id est, terminatione: ut, Cic. pro Arch. *Sed pleni sunt omnes libri, plenae sapientum voces, plena exemplorum vetustas.* Virg. Aen. iv. 628.

Littora littoribus contraria, fluctibus undas

Imprecor, arma armis.

Figurae, quae repetunt voces similes.

PAREGMENON conjungit voces, Cap. 13. quarum una ab altera derivatur. Ovid. De Ponto ii. 5. 393.

Tu quoque Pieridum studio studiose teneris;

Ingenioque faves ingeniose meo.

PARONOMASIA, sive agnominatio, est, cum parva verbi immutatione in aliam plane sententiam deflectitur oratio: ut, *Nunquam nimis dicitur, quod nunquam satis discitur*, Sen. Epist. xxvii. Cato, ut ait Tullius, cum cuidam dixisset, *Eamus deambulatum*: ait ille, *Quid opus est de?* Imo vero, inquit, *quid opus est te?* De Orat. lib. ii.

HOMOI-

HOMOIOPTOTON, five *similiter cadens*, est, cum plura iisdem casibus efferuntur: ut, *Est idem Verres, qui fuit semper; ut ad audendum projectus, sic paratus ad audiendum*, Cic. Verr. iii.

HOMOIOTELEUTON, five *similiter desinens*, est cum cola, aut comata eodem sono terminantur: ut Cic. pro leg. Manil. *Ejus semper voluntatibus non modo cives assenserint, socii obtemperarint, hostes obedierint; sed etiam venti, tempestatesque obsecundarint.*

PARECHESIS est, cum una, pluresve syllabae vocis antecedentis in alia ejusdem membri repetuntur: ut, *Palla pallorem incutit*, Plaut. Maenech. iv. 2. 46. *O fortunatam natam, me consule, Romam!* Cic. apud Sallust. orat. adversus Cicer.

Cap. 14. SENTENTIARUM figurae aliae ad inventionis, aliae ad dispositionis ornatum adhibentur.

Primum videamus de iis, quae sunt § 2.
inventionis.

PROLEPSIS, five *occupatio*, est, cum id, quod ab adversario objicitur, aut objici posse putamus, anticipamus, atque diluimus. Partes ejus sunt duae: ὑποπορὰ, quae objectionem proponit; & ἀνθυποπορὰ, quae objectioni respondet. Objectionis est in illo Didonis apud Maronem, Aen. iv. 603. *Verum anceps pugnae fuerat fortuna. At ἀνθυποπορὰ est: Fuisset. Quem metui moritura?*

Prolepsi similis est HYPOBOLE, five *subjectio*; qua multa, quae pro adversario dici possunt, breviter & minutatim proponuntur; atque ad singula breviter item respondetur. Cic. pro Planc. *Male judicavit populus, at judicavit; non debuit, at potuit; non fero, at multi clarissimi & sapientissimi cives tulerunt.*

ANACOINOSIS, five *communicatio*, est, qua adversarium confutimus; aut cum iudicibus, quid faciendum

E

ciendum

ciendum fit, quidve factum oportuerit, deliberamus: ut Cic. pro Caecin. *Quaero, si te hodie domum tuam redeuntem coacti homines, & armati, non modo limine tectoque aedium tuarum, sed primo aditu vestibuloque prohibuerint; quid acturus sis?*

PAROMOLOGIA, sive confessio, est, cum callide omnia adversario permittimus. Cic. pro Ligar. *Habes igitur, Tubero, quod est accusatori maxime optandum, confitentem reum; sed tamen ita confitentem, &c.*

EPITROPE, sive concessio, est cum aliquid largimur adversario, ut reliquum feramus. Virg. Aen. vii. 313.

Non dabitur regnis, esto, prohibere Latinis;

At trahere, atque moras tantis licet addere rebus.

Cap. 15. *Figurae, quibus ad explicandum, aut exaggerandum utimur.*

GNOME,

GNOME, five *sententia*, est generale pronuntiatum earum rerum, quas in agendo sequimur, aut fugimus: ut, *Nibil est tam popolare, quam bonitas.*

NOEMA, five *cogitatum*, est allusio ad sententiam, five sententia personae accommodata. Ita Cic. in orat. pro Ligar. gnomen praecedentem Caesari accommodat: *Nibil habet nec fortuna majus, quam ut possis; nec natura tua melius, quam ut servare velis quam plurimos.*

MERISMUS, five *distributio*, est, cum totum in species, aut partes diducimus. Lycurgus apud Rutilium Lupum, Lib. 1. *Cujus omnes corporis partes ad nequitiam sunt appositissimae; oculi ad petulantem lasciviam, manus ad rapinam, venter ad aviditatem, &c.*

AETIOLOGIA est, cum in nar- Cap. 16.
rando facti ratio adjicitur. Eleganter autem fit cum gradatione, ut in illo Ovidii, Fast. iii. 21. *Mars videt hanc, visamque cupit, potiturque cupita.*

Quod si caussa sit magis speciosa, quam vera, COLOR dicitur.

DIATYPOSIS est, cum res ita clare copioseque exponitur, ut coram spectari videatur. Quomodo Cicero in Miloniana describit *apparatum Milonis*, & Clodii: *illius in rbeda confidentis, ac penulati; hujus in equo, & cum delectis, villa egredientis, ac pugnantis e loco superiore, & quae sequuntur.*

Quod si simplicior dilutiorque fuerit descriptio, HYPOTYPOSIS vocatur: ut haec Maronis, Aen. v. 426.

*Constitit in digitos extemplo arrectus
uterque,*

Brachiaque ad superas interritus extulit auras.

Sed vulgo diatyposis, & hypotyposis, pro eodem schemate habentur.

Cap. 17. EICON, sive *imago*, est assimilatio protafr & apodofi carens, facta per vocem *similis, velut, tanquam, instar, quasi*, aut aliam hujus generis.

ris. Virg. Aen. i. 593. *Os hume-
rosque Deo similis. Cicero in Va-
tin. Repente enim te, tanquam ser-
pens e latibulis, oculis eminentibus, in-
flato collo, tumidis cervicibus intuli-
sti.*

PARADEIGMA, five *exemplum*,
est, cum factum, five actus aliquis
commemoratur, ut eo ostendatur ali-
quem vel simile facturum, vel facere
debere: ut, *Periculum est, ne, quem-
admodum Marii & Syllae diffidium, ita
Pompeii & Caesaris laceret rempubli-
cam.*

PARABOLE, five *comparatio*, est,
cum ad illustrandum id, de quo ser-
mo est, petitur similitudo ab iis, quae
fuere, fiunt, aut natura, casuve rebus
insunt.

*Quales mugitus, fugit cum saucius
aram*

*Taurus, & incertam excussit cer-
vice securim, Virg. Aen. ii.
223.*

SYMBOLÉ, five *collocatio*, est,
quando substantiam cum substantia,
aut accidens cum accidente confe-
rimus;

rimus; ut ex oppositione hac pateat, quantopere conveniant, aut differant: ut, *Si conseras Alexandrum & Caesarem, oleam & vitem.*

Cap. 18. PARADIASTOLE, Latine *sejunctio*, est, cum distinguuntur ea, quae vim habere eandem videntur: ut, *Non sapiens, sed astutus. Premitur virtus, non opprimitur.*

ANTIMETABOLE, sive *commutatio*, vocatur, quando est contrarietas sensus cum verborum immutatione: ut, *E-ripis, ut perdas; perdis, ut eripias. Esse oportet, ut vivas; non vivere, ut edas.*

ANTITHETON est ex contrariis constans oratio: ut Virgil. Aen. vii. 312.

Flectere si nequeo superos, Acheronta movebo.

OXYMORON est, cum idem negatur de seipso. Ter. Eun. iv. 4. 54. *Tu, pol, si sapias, quod scis, nescis. Cum tacent, clamant, Cic. i. Catil.*

Cap. 19. PARECBASIS, sive *digressio*, est alicujus rei, quae tamen ad utilitatem causae pertineat, extra ordinem

nem excurrentis tractatio. Qualis illa Cic. *De laudibus Cn. Pompeii*, in orat. pro Balbo.

EPANODOS est ad propositum reditus. Cic. *De orat.* ii. *Sed ut eo revertatur, unde haec declinavit oratio.*

EPIPHONEMA, five *acclamatio*, est, cum rei narratae, aut probatae, velut coronis adjicitur pronuntiatio ex superioribus expressum: ut, *Adeo a teneris assuescere multum est*, Virg. *Georg.* ii. 272.

AUXESIS est, cum utimur verbo Cap. 20. excedente rei magnitudinem: ut apud Ter. *Sacrilega & venefica pro improba, scelus pro errato.*

TAPEINOSIS est, five MEIOSIS, cum verbo humiliore, quam pro re, utimur: ut, cum *attigisse* eum dicimus, qui *vulneravit*; sic, *erratum* pro *scelere*, *severus* pro *crudeli*.

PARALEPSIS est, cum praeterire nos velle dicimus, quod interim in transcurso dicimus. Cic. pro Cluent, *Mitto illam primam libidinis injuriam,*

mitto nefarias generi nuptias, mitto cupiditate matris expulsam matrimonio filiam.

INCREMENTUM est, cum velut gradibus quibusdam pervenitur ad summum, ut, *Facinus est vincere civem Romanum, scelus verberare, prope parricidium necare; quid dicam in crucem tollere?* Cic. pro Rabir.

PERIPHRAISIS est, qua rem unam multis ambimus verbis: ut, *Romanae eloquentiae parens* pro Cicerone. Item, *Ire ad requisita naturae*, Salust. in Jugurth.

Cap. 21.

ECAPHONESIS, sive *exclamatio*, est oratio, in qua interjectio expressa, aut intellecta, indicat animi affectum. Unde & pronuntiatio intenditur ad significandam rei magnitudinem: ut Cic. pro Marcell. *O clementiam admirabilem, atque omni laude, praedicatione, literis, monumentisque decorandam!* Id. in Pison. *O scelus! o pestis! o labes!*

APORIA, sive *dubitatio*, est, cum dicimus nescire nos, quid dicere,

cere, vel agere debeamus. Cic. pro Ligar. *Itaque, quo me vertam, nescio.* Virg. Aen. iii. 39. *Eloquar, an fileam?*

EPANORTHOSIS, five *correctio*, est, quae tollit id, quod dictum est; & pro eo, quod magis idoneum videtur, reponit. Cic. pro Mil. *Quas ille leges, si modo leges nominandae, ac non faces urbis, & pestes reipublicae.*

APOSIOPESIS, five *reticentia*, est, cum ita abruptitur oratio, ut vix appareat, quid dicturus quis fuerit. Virg. Aen. i. 135. *Quos ego: sed motos praestat componere fluctus.*

SERMOCINATIO proprie est, cum sermo affingitur personae, quae praesentis sit instituti. Cujusmodi sunt orationes multae apud historicos, & poetas.

PROSOPOPOEIA, five *personae effictio*, est, cum rebus mutis sermonem tribuimus; aut vita defunctos, tanquam vivos; aut absentes etiam, tanquam praesentes, loquentes inducimus. Sic apud Cic. pro Cael. *Appius Caecus*
F *excitatur,*

*excitatur, ad Glodiam ob libidinem ob-
jurgandam.*

EROTEMA, seu *interrogatio*, est,
quando, ubi recta oratione uti liceat,
sermonem inflectimus. Virg. Ecl. iii.

17.

*Nonne ego te vidi Damonis, pessime,
caprum*

Excipere insidiis?

APOSTROPHE est, cum sermonem
alio avertimus, quam instituta oratio
requirit: ut Cic. pro Milon. *Vos enim,
Albani tumuli, atque luci, vos, inquam,
imploro, atque obtestor.* Virgil. Aen.
i. 12. *Musa, mibi caussas memora.*

Atque haec de figuris, quibus in-
ventio exornatur.

Cap. 22. Sequuntur, quae ornant dispositio-
nem.

METABASIS, five *transitio*, est,
quum inferitur aliquid orationi, ut ab
eo, quod diximus, transgrediamur ad
illud, quod superest: ut Cic. pro lege
Manil. *Quoniam de genere belli dixi,
nunc de magnitudine pauca dicam.* Virg.
Georg. ii. 1.

Hæte-

*Haëtenus arborum cultus, & sydera
coeli;*

Nunc te, Bacche, canam.

APODIOXIS, five *rejeçtio*, est, cum aliquid in alium locum, vel tempus rejicitur. Cic. pro lege Manil. *Sed de Lucullo dicam alio loco, &c.*

REVOCATIO est, cum, quia longiores aliqua in re fuerimus, orationem ad principium revocamus: ut, *Hac de re quid attinet dicere? erit alias opportunior dicendi locus.*

De tropis & figuris vidimus.

COMPOSITIO est idonea verborum, Lib. 5.
sententiarumque structura. Cap. 1.

Completitur ea juncturam, ordi- § 2.
nem, periodum, & numerum.

JUNCTURA praestat, ut oratio fit § 3.
lenis & mollis, aut sonora ac grandis.

Atque hic praecipitur, ut caveatur crebra vocalium concursio; ejusdem literae, vel syllabae, in initio, aut fine frequentatio; continuatio plurium syllabarum brevium, vel longarum.

§ 15.

ORDO exigit, ne inconcinna fiat verborum trajectio: item, ut crescat oratio, nec graviori id, quod levius est, subjiciamus: item, ne turbetur naturalis ordo, eoque potius dicamus *viros ac foeminas, diem ac noctem, ortum & occasum*; quam ordine inverso.

Cap. 2.

PERIODUS, juxta Ciceronem, est oratio in quodam quasi orbe inclusa procurrens, quoad infistat in absoluta sententia.

Estque vel simplex, vel duorum, vel trium, vel ad summum quatuor membrorum. Qualis illa pro Caecina: *Si quantum in agro locisque desertis audacia potest, tantum in foro atque judiciis impudentia valeret; non minus in caussa cederet Aulus Caesina Sexti Aebutii impudentiae, quam tum in vi facienda cessit audaciae.*

Periodi partes aliae sunt majores, quae Graecis *κῶλα*, Latinis *membra* dicuntur; aliae minores, quae Graecis *κῶματα*, Latinis vocantur *incisa*.

Sed, contra quam apud grammaticos fit, si comma fuerit longum, ut si septem syllabas excedat, colon nominatur;

minatur ; & colon, si fuerit breve, ut si minus sit quam septem syllabarum, commatis nomen accipit.

NUMERUS Ciceroni est modus qui- Cap. 3.
dam orationis, qui e permistis & confusis pedibus, & temporum, quibus constant, apta ratione nascitur.

Numerus hic diversus est a poetico, a quo abhorret orator. Ac multum observatur in principiis, minus in mediis, potissimum vero in clausulis.

Adhibetur autem hic aurium iudicium, sed praestantium oratorum lectione firmatum.

Atque ut negligentia, ita cura nimis anxia vitanda est.

Quae haecenus diximus, universe Cap. 4.
respiciunt elocutionem.

Nunc videamus, ut ea variet pro materia diversa.

Est enim triplex dicendi CHARA- § 2.
CTER ; magnificus sive sublimis, humilis sive tenuis, & mediocris sive aequabilis.

SUBLIME dicendi genus potissi- § 3.
mum locum habet in rebus magnis :
ut,

ut, *De Deo ac repub.* unde in rebus heroicis, ac tragicis praecipue adhibetur.

Constat gravium & sublimium verborum ampla atque ornata structura. Metaphoras petit a rebus grandibus. Schemata adhibet vehementiora: ut, exclamationes, prosopopoeias, apostrophas. Affectibus ciendis idoneum est.

Vitium ejus est, si turgidum sit & inflatum, vel insolentia horridum.

Cap. 5.
§ 1.

Contra, HUMILE genus convenit rebus tenuibus. Ac contentum est verborum proprietate, metaphoris usitatis, item acumine, ac lepore. Sententiarum figuras parcius usurpat; abstinet amplificationibus, insignioribus numeris, & periodis accuratioribus.

Praecipue adhibetur in epistolis, & disputationibus philosophicis.

Videndum autem, ne neglectu nimio fiat jejunum & exsangue.

§ 10.

Genus MEDIUM, seu mediocre, in rebus mediis usurpatur. Estque humilior sublimi, sed sublimior humili; eoque

eoque nec vehementiora illa schemata amat, nec infimam sequitur dicendi rationem.

Hic imprimis conveniunt paria paribus, contraria contrariis reddita, & casus in exitu similes, & hujus generis alia.

Vitium ejus est fluctuans & incertum; quomodo vocatur, si nunc humile genus fugiens nimis assurgat, nunc tumidum atque inflatum vitans humi serpat.

Haftenus de elocutione.

Supereft postrema rhetoricae pars, quae est

De P R O N U N C I A T I O N E.

PRONUNCIATIO, five ACTIO, est Cap. 8.
vocis gestuumque pro rebus & verbis apta conformatio.

Ejus quasi fundamentum est ME-§ 3.
MORIA, qua res jam inventas, dispositas, & exornatas firmiter animo comprehendimus.

Partes pronunciationis sunt duae; § 7.
una vocem format, altera corporis motum.

tum. A priori munere haec pars pronuntiatio, a posteriori actio vocatur. Quarum tanta est vis in eloquentia, ut iis primas, secundas, tertias tribuerit Demosthènes.



